



Broj: 16-12-16-2-4854-18/16

I. Sarajevo, 27.09 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. f) i g), člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-4854/16 od 21.09.2016. godine, u otvorenom postupku javne nabavke kompjuterske opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u otvorenom postupku za dostavljanje ponuda za javnu nabavku kompjuterske opreme za potrebe Državne agencije za istrage i zaštitu

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-4854/16 od 21.09.2016. godine, u otvorenom postupku za dostavljanje ponuda za javnu nabavku kompjuterske opreme za potrebe Državne agencije za istrage i zaštitu i ugovor o kupoprodaji dodjeljuje se za:

- LOT 1- Nabavka desktop računara sa monitorom (27 komada), laptop računara (10 komada), HDD SSD (5 komada), HDD SATA (5 komada), monitor Tip A (3 komada) i monitora Tip B (3 komada), ponuđaču "NETWORK I" d.o.o. Bijeljina, ponuda broj 16-12-16-2-4854-11/16 od 22.08.2016. godine, za ponudenu cijenu 34.215,00 KM bez uračunatog PDV-a;

- LOT 2- Nabavka seta adaptera za hard diskove (1 set) i SAS adaptera (1 set), ponuđaču "NETWORK I" d.o.o. Bijeljina, ponuda broj 16-12-16-2-4854-11/16 od 22.08.2016. godine, za ponudenu cijenu 7.150,00 KM bez uračunatog PDV-a;

- LOT 3- Nabavka mrežnih štampača (10 komada), prenosnih štampača (8 komada), brzih skenera (2 komada), običnih skenera (2 komada) i fotoprinter (1 komad), ponuđaču "NETWORK I" d.o.o. Bijeljina, ponuda broj 16-12-16-2-4854-11/16 od 22.08.2016. godine, za ponudenu cijenu 7.664,00 KM bez uračunatog PDV-a;

- LOT 4- Nabavka uređaja UPS (5 komada), Switch 24 portni (4 komada), Firewall uređaja Tip A (2 komada), Firewall uređaj Tip B (1 komad), Firewall uređaj Tip C (3 komada), Fire plotter monitoring session (1 komad), Hp mini GBIC transceivera (2 komada), Network switch 2 (1 komad), Z1 modul J93074, 24 portni Gig-T, PoE (1 komad) i Switch 1 GB (1 komad), ponuđaču "INFONET" d.o.o. Tuzla, ponuda broj 16-12-16-2-4854-6/16 od 22.08.2016. godine, za ponudenu cijenu 29.856,00 KM bez uračunatog PDV-a;

- LOT 5- Nabavka Servera (2 komada), Storage Tip 1 (1 komad), Storage Tip 2 (1 komad), ponuđaču "KING ICT" d.o.o. Sarajevo, ponuda broj 16-12-16-2-4854-15/16 od 22.08.2016. godine, za ponudenu cijenu 49.814,00 KM bez uračunatog PDV-a.

Član 2.

(1) Ponuđači "NETWORK I" d.o.o. Bijeljina, "INFONET" d.o.o. Tuzla i "KING ICT" d.o.o. Sarajevo, obavezni su ugovornom organu dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđači su obavezni dostaviti ugovornom organu u roku od pet dana od dana prijema ove odluke.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke kompjuterske opreme za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-2-4854-1/16 od 27.07.2016. godine, putem otvorenog postupka, za koji je obavještenje o javnoj nabavci broj 1161-1-1-593-3-44/16 od 29.07.2016. godine objavljeno u „Službenom glasniku BiH“ broj 57/16. Procijenjena vrijednost javne nabavke je ukupno 141.000,00 KM bez uračunatog PDV-a, za šta su novčana sredstva predviđena u okviru budžetskih sredstava za 2016. godinu. Predmet javne nabavke podjeljen je na lotove i to:

- LOT 1- Nabavka desktop računara sa monitorom (27 komada), laptop računara (10 komada), HDD SSD (5 komada), HDD SATA (5 komada), monitor Tip A (3 komada) i monitora Tip B (3 komada), procijenjene vrijednosti 41.350,00 KM, bez uračunatog PDV-a;

- LOT 2- Nabavka seta adaptera za hard diskove (1 set) i SAS adaptera (1 set), procijenjene vrijednosti 7.270,00 KM, bez uračunatog PDV-a;

- LOT 3- Nabavka mrežnih štampača (10 komada), prenosnih štampača (8 komada), brzih skenera (2 komada), običnih skenera (2 komada) i fotoprinter (1 komad), procijenjene vrijednosti 9.950,00 KM bez uračunatog PDV-a;

- LOT 4- Nabavka uređaja UPS (5 komada), Switch 24 portni (4 komada), Firewall uređaja Tip A (2 komada), Firewall uređaj Tip B (1 komad), Firewall uređaj Tip C (3 komada), Fire plotter monitoring session (1 komad), Hp mini GBIC transceivera (2 komada), Network switch 2 (1 komad), Z1 modul J93074, 24 portni Gig-T, PoE (1 komad) i Switch 1 GB (1 komad), procijenjene vrijednosti 30.130,00 KM bez uračunatog PDV-a;

- LOT 5- Nabavka Servera (2 komada), Storage Tip 1 (1 komad), Storage Tip 2 (1 komad), procijenjene vrijednosti 52.300,00 KM bez uračunatog PDV-a.

Komisija II za provođenje postupka nabavke (u daljem tekstu: Komisija) dostavila je Izvještaj o radu broj broj 16-12-16-2-4854/16 od 21.09.2016. godine sa preporukom o izboru najpovoljnijeg ponuđača u postupku javne nabavke kompjuterske opreme za potrebe Agencije.

Obzirom da je tačkom 23. Tenderske dokumentacije navedeno da je rok za dostavljanje ponuda 22.08.2016. godine do 13,00 sati, te da se ponude dostavljaju u zatvorenoj koverti, Komisija je dana 22.08.2016. godine u 14,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljeno ukupno 13 ponuda i to:

Redni broj	Naziv ponuđača	LOT	Vrijednost ponude (bez PDV-a)
1.	"R&S" d.o.o. Sarajevo	LOT 1	35.062,00 KM
		LOT 3	7.982,00 KM
2.	"OPTIMA IT" d.o.o. Mostar	LOT 1	35.775,00 KM
3.	"INFONET" d.o.o. Tuzla	LOT 1	35.353,00 KM
		LOT 4	29.856,00 KM
4.	"Ava Com GROUP" d.o.o. Mostar	LOT 1	35.774,55 KM
5.	"PROINTER ITSS" d.o.o. Banja Luka	LOT 1	35.774,55 KM
6.	"BBS" d.o.o. Sarajevo	LOT 1	40.453,00 KM
		LOT 3	9.242,00 KM
7.	"Printex" d.o.o. Sarajevo	LOT 1	34.411,00 KM
		LOT 3	8.073,00 KM
8.	"NETWORK I" d.o.o. Bijeljina	LOT 1	34.215,00 KM
		LOT 2	7.150,00 KM
		LOT 3	7.664,00 KM
9.	"EXCLUSIVE" d.o.o. Zenica	LOT 1	35.433,84 KM
10.	"IMTEC" d.o.o. Sarajevo	LOT 1	36.787,00 KM
11.	"GBG" d.o.o. Sarajevo	LOT 1	36.473,00 KM
12.	"KING ICT" d.o.o. Sarajevo	LOT 5	49.814,00 KM
13.	"GODIMERC" d.o.o. Sarajevo	LOT 1	39.638,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači "R&S" d.o.o. Sarajevo (LOT 3), "OPTIMA IT" d.o.o. Mostar, "INFONET" d.o.o. Tuzla, "Ava Com GROUP" d.o.o. Mostar, "PROINTER ITSS" d.o.o. Banja Luka, "BBS" d.o.o. Sarajevo, "Printex" d.o.o. Sarajevo (LOT 3), "NETWORK I" d.o.o. Bijeljina, "EXCLUSIVE" d.o.o. Zenica, "IMTEC" d.o.o. Sarajevo, "GBG" d.o.o. Sarajevo i "KING ICT" d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Tenderskoj dokumentaciji.

Komisija je utvrdila da ponuđači "R&S" d.o.o. Sarajevo (LOT 1), "Printex" d.o.o. Sarajevo (LOT 1) i "GODIMERC" d.o.o. Sarajevo (LOT 1) ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, te ekonomske i finansijske sposobnosti, dok ne ispunjavaju kvalifikacione uslove u pogledu tehničke i profesionalne sposobnosti postavljene u Tenderskoj dokumentaciji.

Komisija je u cilju ocjene tehničkih uslova navedenih u Tenderskoj dokumentaciji od Sektora za operativnu podršku aktima broj 16-12-16-2-4854/16 od 01.09.2016. godine i broj 16-12-16-2-4854/16 od 14.09.2016. godine, tražila da na osnovu uvida u pristigle ponude dostave stručno mišljenje u vezi postavljenih tehničkih uslova. Sektor za operativnu podršku aktima broj 16-10-16-2-4854/16 od 02.09.2016. godine i broj 16-10-16-2-4854/16 od 16.09.2016. godine, je potvrdio da ponude ponuđača "R&S" d.o.o. Sarajevo (LOT 3), "OPTIMA IT" d.o.o. Mostar, "INFONET" d.o.o. Tuzla, "Ava Com GROUP" d.o.o. Mostar, "PRINTER ITSS" d.o.o. Banja Luka, "BBS" d.o.o. Sarajevo, "Printex" d.o.o. Sarajevo (LOT 3), "NETWORK I" d.o.o. Bijeljina, "EXCLUSIVE" d.o.o. Zenica, "IMTEC" d.o.o. Sarajevo, "GBG" d.o.o. Sarajevo i "KING ICT" d.o.o. Sarajevo zadovoljavaju kvalifikacione uslove tehničke specifikacije kompjuterske opreme postavljene u Tenderskoj dokumentaciji, dok ponude ponuđača "R&S" d.o.o. Sarajevo (LOT 1), "Printex" d.o.o. Sarajevo (LOT 1) i "GODIMERC" d.o.o. Sarajevo (LOT 1), ne zadovoljavaju kvalifikacione uslove tehničke specifikacije kompjuterske opreme postavljene u Tenderskoj dokumentaciji.

Uvidom u ponudu ponuđača "GODIMERC" d.o.o. Sarajevo (LOT 1), Komisija je utvrdila da isti ne ispunjava kvalifikacione uslove tehničke i profesionalne sposobnosti iz člana 49. Zakona, obzirom da je Tenderskom dokumentacijom za LOT 1- Desktop računar sa monitorom u stavci „priključci (min)“ traženo 6x USB 2.0. i 2x USB3.0., a ponuđač "GODIMERC" d.o.o. Sarajevo je ponudio 2x USB2.0., 2x USB2.0. i 2x USB3.0. Dalje za monitor tip A u stavci „kontrast“ traženo je min. 50.000.000:1, a ponuđač "GODIMERC" d.o.o. Sarajevo je ponudio kontrast 10.000.000:1, te za monitor tip B u stavci „kontrast“ traženo je min. 10.000.000:1, a ponuđač "GODIMERC" d.o.o. Sarajevo je ponudio kontrast 3.000.000:1. Obzirom na naprijed navedeno, ponuda ponuđača "GODIMERC" d.o.o. Sarajevo, nije uzeta u dalje razmatranje.

Uvidom u ponudu ponuđača "Printex" d.o.o. Sarajevo (LOT 1), Komisija je utvrdila da isti ne ispunjava kvalifikacione uslove tehničke i profesionalne sposobnosti iz člana 49. Zakona, obzirom da je Tenderskom dokumentacijom za monitor tip A u stavci „kontrast“ traženo min. 50.000.000:1, a ponuđač "Printex" d.o.o. Sarajevo je ponudio „kontrast“ 10.000.000:1. Obzirom na naprijed navedeno, ponuda ponuđača "Printex" d.o.o. Sarajevo, nije uzeta u dalje razmatranje.

Uvidom u ponudu ponuđača "R&S" d.o.o. Sarajevo (LOT 1), Komisija je utvrdila da isti ne ispunjava kvalifikacione uslove tehničke i profesionalne sposobnosti iz člana 49. Zakona, obzirom da Tenderskom dokumentacijom za monitor tip A u stavci „kontrast“ traženo min. 50.000.000:1, a ponuđač "R&S" d.o.o. Sarajevo je ponudio tip monitora dinamički kontrast 10.000.000:1. Obzirom na naprijed navedeno, ponuda ponuđača "R&S" d.o.o. Sarajevo, nije uzeta u dalje razmatranje.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 20. Tenderske dokumentacije, te je sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

RB	LOT	Naziv ponuđača	Vrijednost ponude (bez PDV-a)
1.	LOT 1	"NETWORK I" d.o.o. Bijeljina	34.215,00 KM
		"INFONET" d.o.o. Tuzla	35.353,00 KM
		"EXCLUSIVE" d.o.o. Zenica	35.433,84 KM
		"Ava Com GROUP" d.o.o. Mostar	35.774,55 KM
		"PRINTER ITSS" d.o.o. Banja Luka	35.774,55 KM
		"OPTIMA IT" d.o.o. Mostar	35.775,00 KM
		"GBG" d.o.o. Sarajevo	36.473,00 KM

		"IMTEC" d.o.o. Sarajevo	36.787,00 KM
		"BBS" d.o.o. Sarajevo	40.453,00 KM
2.	LOT 2	"NETWORK I" d.o.o. Bijeljina	7.150,00 KM
3.	LOT 3	"NETWORK I" d.o.o. Bijeljina	7.664,00 KM
		"R&S" d.o.o. Sarajevo	7.982,00 KM
		"Printex" d.o.o. Sarajevo	8.073,00 KM
		"BBS" d.o.o. Sarajevo	9.242,00 KM
4.	LOT 4	"INFONET" d.o.o. Tuzla	29.856,00 KM
5.	LOT 5	"KING ICT" d.o.o. Sarajevo	49.814,00 KM

Nakon provedenog postupka ocjenjivanja dostavljenih ponuda, te mišljenja Sektora za operativnu podršku, Komisija je utvrdila da je ponuda ponuđača "NETWORK I" d.o.o. Bijeljina ocijenjena kao najpovoljnija ponuda za LOT 1, LOT 2 i LOT 3, ponuda ponuđača "INFONET" d.o.o. Tuzla ocijenjena kao najpovoljnija ponuda za LOT 4, a da je ponuda ponuđača "KING ICT" d.o.o. Sarajevo ocijenjena kao najpovoljnija ponuda za LOT 5, te da iste ne podliježu primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno je da se ugovor o kupoprodaji kompjuterske opreme za potrebe Agencije, dodijeli ponuđaču "NETWORK I" d.o.o. Bijeljina za LOT 1, LOT 2 i LOT 3, ponuđaču "INFONET" d.o.o. Tuzla za LOT 4 i ponuđaču "KING ICT" d.o.o. Sarajevo za LOT 5, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 13x,
- Sektoru za mat.-fin. poslove,
- a/a.

